



**Agencija za ravnopravnost spolova BiH Ministarstva za ljudska prava i izbjeglice Bosne i Hercegovine objavljuje:**

**JAVNI POZIV**

za dostavljanje ponuda za konsultantske usluge u projektu **Finansijski instrument za provedbu Gender akcionog plana Bosne i Hercegovine (FIGAP II)**

***Naziv: Konsultant/ica za pružanje podrške Agenciji za ravnopravnost spolova Bosne i Hercegovine/MLJPI BIH u procesu izrade nacrtu Zakona o izmjenama i dopunama Zakona o ravnopravnosti spolova u Bosni i Hercegovini***

**Uvod**

Agencija za ravnopravnost spolova Bosne i Hercegovine, Ministarstva za ljudska prava i izbjeglice BiH, u saradnji sa Gender Centrom Federacije Bosne i Hercegovine i Gender centrom Republike Srpske, izradila je Finansijski instrument za provedbu Gender akcionog plana Bosne i Hercegovine - „FIGAP II (2018 – 2021), kako bi osigurala sredstva za provedbu Gender akcionog plana Bosne i Hercegovine. Cilj FIGAP II Programa je da osigura finansijsku podršku institucijama Bosne i Hercegovine, Republike Srpske i Federacije Bosne i Hercegovine za provođenje aktivnosti kojima se teži da se unaprijede socio-ekonomski uslovi za muškarce i žene, djevojčice i dječake u Bosni i Hercegovini, a u skladu sa Zakonom o ravnopravnosti spolova u BiH. Finansijsku podršku za provođenje FIGAP II programa osigurala je Švedska agencija za međunarodni razvoj i saradnju (Sida) putem Posebnog sporazuma za podršku provođenju Programa FIGAP II potpisanog sa Ministarstvom za ljudska prava i izbjeglice Bosne i Hercegovine.

U okviru Programa FIGAP II planirana su sredstva za podršku Agenciji za ravnopravnost spolova Bosne i Hercegovine/MLJPI BIH u procesu izrade nacrtu Zakona o izmjenama i dopunama Zakona o ravnopravnosti spolova u Bosni i Hercegovini.

Vijeće ministara BiH je, zaključkom sa 174. sjednice, zadužilo Ministarstvo za ljudska prava i izbjeglice BiH da preduzme aktivnosti s ciljem usklađivanja Zakona o ravnopravnosti spolova u BiH („Službeni glasnik BiH“, broj 32/10) sa direktivama Evropske Unije. Zakon o izmjenama i dopunama Zakona o ravnopravnosti Bosne i Hercegovine omogućiće usklađivanje sa direktivama Evropske unije, donesenim nakon 2009. godine, s ciljem osiguravanja načela jednakih mogućnosti i jednakog postupanja prema muškarcima i ženama po pitanjima zapošljavanja i rada i drugim oblastima koje uređuju EU direktive.

Agencija za ravnopravnost spolova Bosne i Hercegovine, Ministarstva za ljudska prava i izbjeglice Bosne i Hercegovine je, u skladu sa Programom rada Vijeća ministara za 2020. godinu, pokrenula aktivnosti na izradi nacrtu Zakona o izmjenama i dopunama Zakona o ravnopravnosti spolova u Bosni i Hercegovini. Predviđeno je da Agencija za ravnopravnost spolova BiH/MLJPI BIH koordinira procesom izrade nacrtu Zakona o izmjenama i dopunama Zakona o ravnopravnosti spolova u Bosni i Hercegovini, a u cilju njegovog usklađivanja sa EU Direktivama. Proces izrade nacrtu Zakona, pored ostalog, uključuje sljedeće

aktivnosti: pravnu analizu usklađenosti Zakona o ravnopravnosti spolova u BiH sa EU Direktivama donesenim nakon 2009, odnosno posljednjih izmjena i dopuna Zakona, rukovođenje radom Radne grupe i moderiranje sastancima, diskusijom i korespondencijom, izradu teksta izmjena i dopuna Zakona, uključujući i Obrazloženje za iste, rukovođenje javnom raspravom prije slanja teksta nacрта Zakona Vijeću ministara Bosne i Hercegovine na odlučivanje i slanje u parlamentarnu proceduru.

### **Opis zadatka**

Od konsultanta/ice se očekuje sljedeće:

- Izrada plana rada usaglašenog sa Agencijom za ravnopravnost spolova BiH Ministarstva za ljudska prava i izbjeglice BiH
- Pravna analiza usklađenosti Zakona o ravnopravnosti spolova u BiH sa relevantnim EU Direktivama
- Komparativna analiza relevantnih zakonskih rješenja usklađivanja sa EU Direktivama u regionu
- Podrška Agenciji u provođenju analize potreba za izmjenama i dopunama Zakona
- Podrška Agenciji u izradi teksta izmjena i dopuna Zakona
- Podrška Agenciji u pripremi materijala za sastanak Radne grupe za izradu izmjena i dopuna Zakona
- Moderiranje na sastancima Radne grupe za izradu izmjena i dopuna Zakona
- Podrška Agenciji u izradi ažuriranog teksta izmjena i dopuna koji rezultira iz rada Radne grupe
- Podrška Agenciji u toku javne rasprave o izmjenama i dopunama Zakona
- Pomoć Agenciji u izradi Obrazloženja izmjena i dopuna Zakona.

### **Uslovi anganžmana**

Konsultant/ica će biti angažiran/a na osnovu ugovora o djelu. Na ovaj javni poziv se mogu prijaviti konsultanti/ice iz Bosne i Hercegovine. Obračun naknade za pružene usluge će se vršiti na osnovu broja dana anganžmana. Okvirni period anganžmana je 30 ekspert-dana.

### **Kvalifikacije konsultanta/ice**

Kvalifikacione:

- Univerzitetska diploma – pravni fakultet
- Najmanje pet godina profesionalnog radnog iskustva sa institucionalnim mehanizmima za ravnopravnost spolova u Bosni i Hercegovini (potrebno priložiti spisak referenci za provjeru radnog iskustva)
- Najmanje pet godina relevantnog analitičko-istraživačkog iskustva (potrebno priložiti spisak relevantnih objavljenih publikacija sa linkovima)
- Poznavanje rada na računaru
- Poznavanje engleskog jezika

Poželjne:

- Prethodno iskustvo u izradi i donošenju propisa iz oblasti ravnopravnosti spolova i ljudskih prava (anti-diskriminacije) u Bosni i Hercegovini



- Poznavanje međunarodnih dokumenata i pravne regulative u oblasti ravnopravnosti spolova i ljudskih prava (anti-diskriminacije)
- Poznavanje rada javne uprave u Bosni i Hercegovini
- Izražene komunikacijske i analitičke vještine
- Spremnost na timski rad i saradnju sa svim akterima

### **Način apliciranja**

Ako ispunjavate gore navedene uvjete potrebno je da svoju ponudu dostavite na sljedeće adresu:

**Ministarstvo za ljudska prava i izbjeglice BiH**  
**Agencija za ravnopravnost spolova BiH**  
**Dubrovačka 6,**  
**71000 Sarajevo**

ili putem elektronske pošte na adresu **kristina.krstovic@mhrr.gov.ba** sa naznakom „za Javni poziv – Konsultant/ica za pružanje podrške Agenciji za ravnopravnost spolova Bosne i Hercegovine/MLJPI BIH u procesu izrade nacrtu Zakona o izmjenama i dopunama Zakona o ravnopravnosti spolova u Bosni i Hercegovini

Ponuda mora da sadrži sljedeće: kratko prateće pismo (do 1000 riječi), biografiju kandidata/kinje sa traženim referencama i prijedlog plana rada u kojemu treba biti naznačena metodologija rada, aktivnosti, očekivani rezultati i vrijeme potrebno za svaku od aktivnosti.

### **Rok za predaju ponude**

Rok za predaju ponude je 10 dana od dana objavljivanja na web stranici ministarstva [www.mhrr.gov.ba](http://www.mhrr.gov.ba).

Broj: 10-50-1-1468/20

Datum: 29.07.2020.

